



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatio Synoptica De Ivdiciis Ad Lib: II. Decretal:  
Gregorii IX.**

**Herberstein, Ferdinand von  
Tabarelli de Fatis, Donato Vincenzo**

**Spirens., 1660**

8.

**urn:nbn:de:hbz:466:1-11416**

pax sit Covar: reg: peccatum p. 2. §. 8. & ut su-  
pra diximus n. 2. continuatio possessionis  
tempori legibus definito non defuerit.

8. Quia in re distinguendum, utrum  
res, quæ usucapienda est, cum titulo possi-  
deatur, an sine titulo: & iterum utrum re-  
mobilis, an immobilis existat: Nam res  
mobiles triennio usucapiuntur cum titu-  
lo & bona fide: sine titulo triginta anno-  
rum spatio. Res immobiles cum titulo  
ordinariè usucapiuntur inter praesentes  
spatio decennii: inter absentes 20. annis:  
sine titulo tempore longissimo videlicet  
30. annis contra privatos: verum contra  
Ecclesiam, Monasterium, hospitale, Fi-  
scum publicum &c. 40. annis. Athac di-  
stinctius prosequi instituti nostri non est.  
Hoc solùm addimus: si jus commune po-  
ssessioni resistat, vel aliunde vehemens præ-  
sumptio sit, possessionem mala fide, vel ex  
juris errore acquisitam, & usurpatam fuil-  
se, tum neq; longissimum tempus ad præ-  
scribendum sine titulo sufficere, sed ne-  
cessé est ostendere possessionem tempo-  
ris immemorialis, quia talis ifniemorialis  
possessio inducit præsumptionem tituli,

vel

vel accepti privilegii, si capacitas in præscribente fuerit: ut habet Gl. communiter recepta in cap. sup. quibusdam. & præn. de verbis signif: Exemplo sit: si Episcopus alienæ Diœcesis Ecclesias vel decimas tempore immemoriali possideat. Si laicus à solvendis decimis pari antiquitate sit immunis, vel Diœcesani ab ordinarii jurisdictione exempti per cap. si cum persona de privil. in 6. Si inferiores Duces aut Magnates regni, tributa exigant vectigalia imponant. &c. Covar: p. 2. §. 3. Si fundator aut Patronus Ecclesiæ Collegiatæ jus præsentandi Prælatum aut Rectorem Ecclesiæ sibi vendicet, à tempore continuato, cuius initii nulla memoria extet.  
Trid: sess. 25. cap. 9. de ref.

PROBARI autem præscriptio debet per testes. juxta Gl. ult: in cit: sup: cap. 1. ut quod semper viderunt & audierunt ita esse nec unquam contrarium, & quod communis est ac fuit semper opinio & fama quod sic fuerit, nec extet contrarii initij memoria. Monet tamen Molin. disp. 76. nihil obstatre huic præscriptioni, etsi constet possessionem cepisse ante 100. vel 600. annos &c. dummodo il-

do illius initium memoriam senum, qui modo vivunt, etiam ex auditu aut relatione majorum suorum excedat.

9. Illud porrò diligenter observandum est, obligationes, quæ per præscriptionem extingui possunt, duplicitis esse generis. Quædam enim suapte natura tendunt ad agendum vel non agendum v. g. qui rem alienam possidet, obligatur ad eandem Domino suo reddendam: & qui ex mutuo, empto, aliâve pactione debitor est, obligatur ad rem debitam alteri solvendam. Item in servitutibus urbanis obligatur aliquis v. g. ad ædificium altius non attollendum, fenestram ad alterius hortum non aperiendam. &c. Quibus omnibus hoc commune est, ut nulla præscriptione tolli possint. Covar: p. 2. §. II. 4. Less: dub: 6. quamdiu earum scientia adest, dum, inquā, scis te rem alienam possidere, ex empto, aliâve pactione debitor rem esse, vel jus ædificium tollendi, fenestram aperiendi &c. tibi nullam competere; præscriptionem nec inchoare nec perficere potes, quia malâ fide uteris. Aliæ verò obligationes sunt, quæ suapte natu-